

Pariška deklaracija o filozofiji

«Paris Declaration for Philosophy»

by ; Various


Source:

Dialogue (Dijalog), issue: 1 / 1997, pages: 169-171, on www.ceeol.com.

The following ad supports maintaining our C.E.E.O.L. service

eBooks on Central, East and Southeast Europe

Anatoly Mariengof



A Novel without Lies

Glas New Russian Writing
Moscow, 2000, 192 p.

By **Anatoly Mariengof**

This is the story of an extraordinary friendship and an extraordinary poet seen through the prism of an extraordinary time and place – the upside-down world of Moscow just after the Revolution.

more on:

www.dibido.eu

PARIŠKA DEKLARACIJA O FILOZOFIJI

Mi učesnici međunarodnog skupa posvećenog "Filozofiji i demokratiji u svijetu", kojeg je u Parizu 15. i 16. februara 1995. godine priredio UNESCO:

Zapažamo da problemi kojima se bavi filozofija predstavljaju univerzalne probleme ljudskog života i egzistencije;

Cijenimo da bavljenje filozofijom može i mora doprinijeti razumijevanju i vođenju ljudskih djelatnosti i zanimanja;

Smatramo da upražnjavanje filozofije, u kojem svaka ideja podliježe slobodnoj diskusiji čiji je cilj da ustanovi tačne definicije upotrijebljenih pojmova, da provjeri valjanost rasuđivanja, da pažljivo ispita argumente drugih, omogućava svakome da nauči da misli svojom glavom;

Naglašavamo da filozofsko obrazovanje podstiče otvorenost duha, građansku odgovornost, razumijevanje i toleranciju među pojedincima i grupama;

Ponovo potvrđujemo činjenicu da filozofsko obrazovanje, izgrađujući slobodne i razborite duhove, sposobne da se odupiru raznim vidovima propagande, fanatizma, isključivosti i netolerancije, doprinosi miru i priprema svakog pojedinca da preuzme svoju odgovornost pred krupnim pitanjima savremenog svijeta, pogotovo u domenu etike;

Prosudujemo da razvoj filozofske debate u obrazovanju i kulturnom životu značajno doprinosi obučavanju građana,

podstičući njihovu sposobnost rasuđivanja, što predstavlja temelj svake demokratije;

S namjerom da učinimo sve što je u našoj moći da bi u institucijama i zemljama u kojima radimo i živimo ostvarili ove ciljeve, izjavljujemo:

Svakom pojedincu treba osigurati pravo na nesmetano bavljenje filozofijom, u svim oblicima i na svim mjestima gdje ono može biti upražnjavano;

Filozofsko obrazovanje treba biti očuvano i prošireno tamo gdje postoji, uvedeno tamo gdje ne postoji, i pritom izričito imenovano kao "filozofija";

Filozofsko obrazovanje treba povjeriti kompetentnim profesorima, posebno obučenim za tu oblast, no ne smije biti podvrgnuto nikakvim ekonomskim, tehničkim, političkim niti ideološkim zahtjevima;

Uvijek ostajući autonomno, filozofsko obrazovanje treba biti, gdje god je to moguće, ne tek izvanjski pridodato, nego doista uključeno u univerzitetsku ili stručnu nastavu, i to u svim domenima;

U cilju filozofskog obrazovanja odraslih, treba podsticati i pospješivati umnožavanje i rasturanje knjiga koje su po svom jeziku i po svojim cijenama pristupačne široj čitalačkoj publici, proizvodnju radio i televizijskih programa, audio i vizuelnih kaseti, pedagošku upotrebu svih oblika audiovizuelne i informatičke tehnike, stvaranje mnogostrukih prilika za slobodnu debatu, a također i sve vrste inicijativa koje bi omogućile najvećem broju ljudi sticanje osnovnih uvida u filozofska pitanja i metode;

Istraživačke i obrazovne institucije treba da upražnjavaju i podržavaju upoznavanje filozofskih dometa različitih kultura, poređenje njihovih vlastitih doprinosa, te analizu onog što ih razdvaja i onog što ih spaja;

Filozofija kao slobodna djelatnost mišljenja, podstiče na uvažavanje pogleda svakog pojedinca i ne može smatrati nijednu istinu kao konačno i zauvijek stečenu, a pogotovo ne smije, makar opovrgla samu sebe, prihvatiti učenja koja ospo-

ravaju slobodu drugoga, izvrgavaju ruglu ljudsko dostojanstvo i siju sjeme barbarstva.

Ovu deklaraciju su usvojili:

Pr Ruben G. Apressian (Institut de philosophie de l'Académie des Sciences de Moscou, Fédération Russie), Pr Tanella Boni-Koné (Université d'Abidjan, Côte d'Ivoire), Pr Tzotcho Boyadijev (Université Saint Klément Ohridski, Sofia, Bulgarie), Pr In-Suk Cha (Secrétaire général de Commission Nationale pour l'UNESCO de la République de Corée, Séoul, République de Corée), Pr Marilena Chaui (Université de Sao Paolo, Brésil), Pr Donald Davidson (Université de Berkeley, USA), Pr Souleymane Bachir Diagne (Université de Dakar, Sénégal), Pr François Dossou (Université Nationale du Bénin), Pr Michaël Dummett (Oxford Royaume-Uni), Pr Artan Fuga (Université de Tirana, Albanie), Pr Humberto Gianini (Université de Santiago du Chili, Chili), Pr Paulin J. Hountondji (Université Nationale du Bénin, Cotonou, Bénin), Pr Ioanna Kuçuradi (Secrétaire générale de la Fédération Internationale des Sociétés de Philosophie, Ankara, Turquie), Pr Dominique Lecourt (Université de Paris VII, Paris France), Pr Nelly Motroshilova (Université de Moscou, Fédération de Russie), Pr Satchidanda Murty (Vice-président de la Fédération Internationale des Sociétés de Philosophie, Inde), Pr Ulrich Johannes Schneider (Université de Leipzig, Allemagne), Pr Peter Serracino Inglott (Recteur de l'Université de Malte), S. E. Mohamed Allal Sinaceur (Ancien Directeur de la Division de la Philosophie de l'UNESCO, Rabat, Maroc), Pr Richard Shusterman (Temple University, Philadelphie, USA), Pr Fathi Triki (Doyen de la Faculté des Lettres et sciences humaines de Sfax, Tunisie), Pr Susana Villavicencio (Université de Buenos Aires, Argentine).

S francuskog preveo Ugo Vlajsavljević